

Guangjisi Minzcu Bau

ganhhau: CN45-0036 B.2015 Nd.4 Ng.29 liggaueq ietfeih nienz ndwensam cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3171期

Dwzbauj Yen Doenggvaq Lai Cungj Hingzsik Guh Ndwen Senhconz Minzcu Doxgiet Cinbu

德保县多种形式开展民族团结进步宣传月活动

4 nyied 1 hau daengz 30 hau, Dwzbauj Yen comzrenz youq daengx yienh guh ndwen senhconz minzcu doxgiet cinbu, baez hozdung neix aeu “gya rengz hawj gak minzcu doxgyau doxdoeng, caenh'itbough coicaenh gak minzcu caemhyouq huzndei, caemhsim doxbang, huzndei fazcanj” guh cawjdaez. It dwg venj buek fukvang senhconz byauhyij ndeu. Ngeih dwg baijok buek banjbau

cienmonz guh senhconz ndeu. Sam dwg yaenq buek sawsoujcwz senhconz minzcu cwngecwz cihisiz ndeu. Seiq dwg senhconz buek minzcu doxgiet cinbu mozfan denjhingz ndeu. Haj dwg senhconz gij cingzciik gvendaengz minzcu ginghci sevei fazcanj. Roek dwg guh hozdung fuengbienh vunzlai cam rox minzcu cwngecwz faplwd fazgevi. Caet dwg youq densidaiz ndaw yienh hai

lanzmuz cienmonz guh senhconz. Bet dwg youq yienh dangjau gawjbanh saujsu minzcu ganbu beizyinbanh. Gouj dwg youq daengx yienh cungh siuj yozyau guh hozdung senhconz nem son'gyauq minzcu doxgiet. Dangqna, aen yienh neix cingq ciuq dajsuenq haenqrenz guh gak hangh hong gvendaengz hozdung ndwen senhconz minzcu doxgiet cinbu.

(Nungz Yungifang/农永放)

SIUSIK DINJ

简讯

● 4 nyied 23 daengz 24 hau, Gveigangj Si Gangnanz Gih Minzcunghgiz gawjbanh 2015 nienz minzcu cunghgyau yezvu beizyinbanh. Ndaw gih neix gak yanghcin dungcan vejyenz, mizmbangj minzcu ganbu, mizmbangj ganbu rog dangj, mizmbangj ganbu ndaw cunh(segih) gungh 110 vunz camgya beizyin.

(Fu Siujminj)

● 4 nyied 23 daengz 24 hau, Lungzlinz Gak Cuz Swciyen Bouxcuengh Yozvei youq yienhsingz gawjhengz “sam nyied sam” hozdung, miz 52 aen sanhgohdui 1560 boux canghfwen nem baengzyoux gungh 3 fanh lai vunz daj Gveicouh, Yinznanz nem ndaw gih raeuz daengj dieg daeuj yienhsingz camgya hozdung.

(Dauz Dwzgvangh)

● “Sam nyied sam” geizgan, Yungzuij Myauzcuz Swciyen Sanhfanz Cin, Dalang Cin, Bwzyinz Yangh nem Dungzlen Yangh daengj doenghij yanghcin Bouxcuengh comzyouq nem gak gingjih, gingdenj gungh ciepdaih hekyouz 11.63 fanh vunzbaez, doengzbeij gyalai 124.52%; lijyouz souhaeuj 6629 fanh maenz, doengzbeij gyalai 141.46%.

(Cangh Cinyi Gyaz Yencinh)

● 4 nyied 1 daengz 30 hau, Lingzyinz Yen youq ndaw yienh guh ndwen senhconz minzcu doxgiet cinbu. Youq guh hozdung duenh de, minzcuzgiz aen yienh neix youq guh hozdung gvaq ciet “sam nyied sam Bouxcuengh” nem Cauzlij Yauzcuz Yangh gvaq ciet hawfwen “3·16” seizde, fat dansenhconz nem laeb giz campap.

(Veiz Vazfuz Vangz Lingzbingz)

● Ceiqgaenh, Guekgia Minzvej fatbough 《Aen Dughceih Gvendaengz Dingh Daih'it Buek Mbanj Daegsaek Saujsu Minzcu》, Cauhbingz Yen Vangzyauz Cin Hawvangzyauz Mbanjvangzyauz (mbanj Bouxcuengh) ndaej lied haeuj. Ciuq cam rox, baez neix daengx guek gungh dingh 340 aen mbanj, gih raeuz gungh miz 59 aen mbanj ndaej lied haeuj.

(Liuz Feih)



Bwzswz Si Yougyangh Gih Minzcuzgiz Yungh Sawcuengh Sawj Hozdung Miz Daegsaek Bouxcuengh Dahraix

百色市右江区民族局用壮文为活动“点睛”

Vih haenqrenz senhconz minzcu yijvwnz cwngecwz, hawj minzcu yijvwnz youq ndawbiengz gyalai yingjyangj, Bwzswz Si Yougyangh Gih Minzcuzgiz youq seiz banh hozdung “sam nyied sam” ndawde, doenggvaq lai cungj fuengsik yungh Sawcuengh. It dwg dawz aen cezmuiz《Son Mwnz Hag Vahcuengh》(lai boux lwgnyez ciengq) dangguh ndaw gaihmuiz ciengz yienjok daih'it. Ngeih dwg youq nda daizheiq ndawde coq Sawcuengh Sawgun. Sam dwg youq veicangzdaeuz venj fukvang Sawcuengh Sawgun coq song henz. Ndaw doz dwg Bwzswz Yifuh Siujyoz gyoengq lwgnyez habciengq《Son Mwnz Hag Vahcuengh》.

(Luz Yuzgangh/陆如刚 ingi)

Fuconh: Roek Bi Gaijguh Ranzyiemj Lajmbanj 17287 Hoh Hawj Vunz Saujsu Minzcu Dangdieg Ndaej Onjyouq

富川:六年危房改造17287户让当地少数民族群众安居

“Gaxgonq youq ranzhaz ranz-naengfaex, seiqcawq gon rumz, seiznit gig nit, banhaemh ninz cungj mbouj onj. Seizneix youz cwngefuj bangcoengh, dou ranzvunz ndeu hix ndaej youq ranzngvax ranzcien, hix mbouj you byonghhwnz roh fwn seiqcawq deng daix raemxfwn gyad mbonq lo, sim gig onj.” Geij ngoenz gonq,

Fuconh Yauzcuz Swciyen Bwzcien Dayenzsanh Linzgi bux ngamq buen haeuj ranzmoq de heuhguh Vangz Caumei yienghneix doiq gicej naeuz. Neix dwg aen yienh neix aen laeh ndaw gunghcwnz gaijguh ranzyiemj ndeu. Gaenh geij bi daeuj, aen yienh neix dawz gaijguh ranzyiemj hangh gunghcwnz neix

dangguh aen gunghcwnz hawj vunz-lai sim'onj, hawj vunzlai swnghhoz gvaq ndaej ndei. Daj 2009 nienz daengz 2014 nienzdaej, daengx yienh gaij ndei ranzyiemj 17287 hoh, cugmbaek hawj aen vwndiz vunzlai ndawj yangh Yauzcuz ranzyouq ndaej gaijnde. (Cinz Yengiz/陈献吉)

Yih Bujyin/于普任)